

EFESO IMACIMO SAN PABLO ORECABE

La Carta del Apóstol San Pablo a los Efesios

Pablo Efésomo ite Juzíñamuimo ínotino rabedo uáidote

1 ¹Cue Páblodicue. Juzíñamui comecei jítaina izóí Jesucristo orécamedicue. Bie izóí daina ñúefue llujállena, ie ocuícamedicue. Efeso jófuemo ite Juzíñamuimo jaináidino bie rabedo uáidotícue. Afémaci Jesucristomo ñue ínotino. ²Cai Moo Juzíñamui ñue éziciga dibéfuemo omoi iri. Daje izóí ie caimare illáfuemo omoi iri. Cai Ocuíraíma Jesucristo daje izóí ómoína bie ñúefuiaímo jóneiteza.

Crístomo cai jaináinamona cai comécina náiretatífuiai Pablo jino llote

³Cai Ocuíraíma Jesucristo Moo Juzíñamuina ióbitaiticai, mei Jesucristomo dájena cai jaináinamona, afémie monámona nana cai comécina náiretate ñúefuiaína jae caina éziciteza. ⁴Nai énie comuíñena llezica, Juzíñamui Jesucristodo caina nizede, ie eróicana nífuenino ñue finócamona cai íllena. ⁵Jaiái uícodo caina izíruillano ie comecei jítaina izóí, Juzíñamui caina náamatade Jesucristodo ie jítótíaina cai jáillena. ⁶Iemo ie izíruiga jítóoiri dájena cai íllamona, afémie caímo dúecaífirede. Afe jira nágarui Juzíñamuina ióbitaredicai, caímo ie dúecaíllana iere figura cai daiífireíllena. ⁷Caímo iere dúecaíllano, Juzíñamui ie Jitó tíillado, ie die tóíllado caina jíllotate, mei áfedo Juzíñamui cai fiénidífuiaína féitateza. ⁸Afémie cai ífoci ñue dénuamona, ie caina iere dúecaíllafuena, afémie jamánomo ñue caina onótate. ⁹Juzíñamui jaiái uícodo mameca ónoñega ie comecei óiacanafue caina ja fidítate. ¹⁰Bie Juzíñamui uícodo mamécáfue ie fácaruimo dúcia, ñue ícoímo fúitaite. Aféruimo Juzíñamui dáanomo nana éniemo ite náíraíaina ie Jitó Cristo

anamo itábicaite, naa bíniemo ite ríllenai, naa jíáie ráaniairi. Daje llezica monamo ite ríñoredino Cristo anamo itíaiói naa aféno mo ite jíáie ráaniairi.

¹¹ Jaiái uícodo Juzíñamui caina nizede, Jesucrístomo dájena cai jaináinado ie comínina cai íllena. Nana bífuiai jica ia Juzíñamui mamérilla izói ñue joide. Juzíñamui ñue onona dieze, afe izói afémie ñue finófirede. ¹² Ja cai bie nanómona Crístomo íñotinodicaiza. Juzíñamui daií caina ñue nizede, afémiemo ite áillue ebíredifuiaido ñúefue íemo cai nitállena. ¹³ Daje izói uáfueña lloga, omoi jílluille uaina cacádiomoi. Cacáillano afe uaina omoi íñuamona Jesucrístomo jaináitagaomoi. Daje llezica Juzíñamui jaiái uícodo llua izói Ñuera Joreño igáomoi, dama Juzíñamui íeiedi omoi daiíllena. ¹⁴ Afe Ñuera Joreño caimo íllado, ico jíáiruido Juzíñamui dainafue cai maiñóllena, uáfueña onódicaí. Afe ie lloga dainafue cai maiñólliruimo nai dúciñede. Mei íadi nana íemo jaináidinomo, fiénidifue mo jaca due íaiói jainaiñeillifue afémie llóite. Daií ie llua mei nana afémie cáiena lloga dainafue máíñoiticaí. Ie jira afe Juzíñamuimo ite áillue ebíredifuiaido íena ióbitaredicaí.

Pablo Juzíñamuimo íñotino ífoci ñue denóllena Juzíñamuimo jicade

^{15,16} Iemona cai Ocuíraima Jesumo omoi íñogafueña cue fidínamona, Juzíñamuimo ómoiri “tere figura” fáicaíñeno daiífiredicue. Daje izói nana Juzíñamuimo jaináidinona omoi izíruillana cue fidínamona, nane figura daiífiredicue. Afe llezica Juzíñamuimo cue jíacífireña dáaruído ómoímo jaca uibíoi firedicue. ¹⁷ Juzíñamui ómoímo jino llogáuaina ñue comécido omoi baitállena jíacífiredicue. Ua, cai Ocuíraima Jesucristo ebírede Moo Juzíñamuimo jíacífiredicue, Juzíñamuina ñue omoi onóillena. ¹⁸ Daje izói Juzíñamui omoi ífoci ñue denóllena jíacídicue. Afemona Juzíñamui uáidogano úiñoga ñue cómutifuiaina ñue ónoitiomoi. Daje izói Juzíñamui omoi ífoci denóllemona íemo jaináidinomo, Juzíñamui fecalle ñuera ebírede cáimafuiaina ónoitiomoi. ¹⁹ Iemona bie izói ónoitiomoi: Juzíñamui iere ñúefuiaina ríñoredimie. Afe bie íemo ite áillue ríno ja birui nana íemo íñotinona ñue comécido íaióina canode. ²⁰ Naui Juzíñamui, daje bie íemo ite áillue rínona cai onóillena, Cristo tállanamona meine abído cáatate. Daií íemo ite áillue rínona comínimo jino iere uáfori ciótate. Afe daje ríno do Cristo cáatajanona, monamo ie nabézimo Juzíñamui íena rainade. ²¹ Dínomo jamánomo ocuídillaimana Juzíñamui íena jóonete. Iemona nana jíáie ríñoredinuai Cristo anamo itíaiói, naa jíáie ocuífiredinuaiári. Daje izói nana illaini Cristo anamo itíaiói naa jabóidillainiaári. Daje izói nana mona eromo ite ríñoredinuai, Juzíñamui ie aillo ríno do Cristo anamo dájena jóonete. Nana jíáie mameca ríñoredino cai comeci facáacana dieze, daje izói Cristo anamo itíaiói. Nana biruimo itínuiai ie anamo

itíaiói, naa ico jíáiruillaido ítinuiaiiri. ²²Afe dáaruído Juzíñamui nana ráaniaina Cristo anamo jóonete. Daje llezica nana Juzíñamuimo dájena jaináidinomo, Juzíñamui Cristo ifócina mameide. Iemona ifoci cai abí ocuilla izói afémie íaioina ocuífiredede. ²³Mei jii, Jesucrístomo dájena jaináidino ja Cristo abina mamécaiaioi. Afe jira afémaci nana Cristo comeci ífuiaina iere jeire otíaiói. Mei dama Cristo nana ráfuiaina ñue ícoimo fuitátatimieza.

Juzíñamui caina izíruillado jíllodicaí

2 ¹Omoi fiénidífuiaimona nai tíidino izói omoi illa llezica, Juzíñamui Cristo tíillamona meine abido cáatajado afe dáaruído ómoína cáatate. ²Nauí afe fiénidífue dibénemo are itíomoi. Bínemo ite fiénide nairai illa izói are itíomoi. Afe llezica omoi áinodo lláifoide fiénide joreño jítáinafue finófirediomoi, mei afe joreño nana fiénide joríaí nahí ocuíraimaza. (Afe daje fiénide joreño Taife.) Juzíñamuimo jíeruiñedinona afémie riire ocuíoide. ³Nauí jíáiruillaido nana cai afe izói fiéni iticaí. Cai abí fiéni jítáinafuiái jeire ófiredicaí. Afe nanómona cai comécimo ite cai óiacaiga fiénidífueña fáicanocaiñeno ícoimo finóoicaifiredicaí. Daje izói cai comeci fia fácafuiaina jeire oticaí. Iemona nana jíáimacina duere finóllemo dúina izói, Juzíñamui iere duere finóllifuemo dúidicaí. ^{4,5}Mei íadi Juzíñamui iere caina dúecaillano, nai cai fiénidífuiaimona tíidino izói cai illa llezica, afémie caina izíruillano Cristo cáatajado dáanomo tíillanomona caina cáatate. Mei jii, dama Juzíñamui ómoiri dúecaillano jíllotagaomoi. ⁶Uafue, Cristo Jesús cáataja llezica, Juzíñamui afémie diga daane caina cáatate. Afe mei Juzíñamui Cristo abimo monamo caina rainade. ⁷Juzíñamui daíí finode, nana ico ninomo illáruillaido ítinuiaiimo afémie iere caina izíruillafuena onótallena. Ua, Juzíñamui daíí finode afémie Crístodo caina dúecaillafuena nana uícomo cómutinomo fidíllena. ⁸Mei jii, Juzíñamuimo ite ómoína izíruillafuedo afémie iere ómoína dúecaide. Ie jira, íemo omoi ínuado jíllotagaomoi. Afe jíllonafue daní ómoimona comuñede, mei jíáífodo afefue Juzíñamui ómoimo comuítaga. ⁹Ñúefuemo are cai ñéfinamona afe jíllonafue caimo fécañega. Ie jira áfedo buna abina ínonide. ¹⁰Mei jii, Juzíñamui nano fueñe comini fínua izói, afémie ie joréñodo como jéiciganona ja cai finode. Iemo ja birui, jaiái uícodo ie mámia izói, Crístodo Juzíñamui meine caina cáatate, ñúefuiái cai finóllena.

Ñue uái cai illifue Cristo caimo lloga

¹¹Iemona nauí omoi illáfuemo mai omoi comeci uibíoiri. Judío nairai íeñediomoi. Ie jira judúuai “Bacano icoí que táñegamacina” ómoína mamécaiaioi. Daní afémacina cai bie “Íeizina quetácanodicaí” daidíaiói; mei jaiái íaiói finófiredina izói, íaioimona nágamíai íaiói bacano icoí quetácaza.

12 Naui omoi ñinoñena llezica, Crístromona oni eneno itfomoi. Israel náiraimo Juzíñamui nizécanomo jaináñnediomoi; íemona Juzíñamui íaioimo lloga ie ñuera finóllifuiái fidíñnediomoi, naa uícode ie lloga cáimaduafuiái diga. Aféruillaído Juzíñamuina onóñeno, bíniemo zuure itfomoi, mei caimare omoi ocuírillifue inédeza. 13 Naui Juzíñamuimona iere oni jica itfomoi; mei fadi ja birui Cristo cairi tñillamona, ie die tóillamona, Juzíñamuimo ánozitagaoimoi. Ja Crístomo dájena jaináidiomoi. 14 Cristo jíáimana cai icíñenafue comútatimie, mei dama afémie judíuai judíñnedino diga dáaziena finode. Iemona íaioi bacáuai imáciñnediomoi. Naui ómoína oni eneno itátate éoinafuena ja Cristo niné féitate. 15 Dama ie abi izi cácanado, ua ie tñillado, ocuica uai ñue ícoimo fuitade. Fúitajano, áfena záitate. Afe ocuica uai iere rairuide. Ie mei Cristo mena náiraimona, judíuai judíñnedino diga, dáaziena comue náiraina finode. Afe ménade náiraiái ja dama Crístomo dájena jaináitagaiaioi. Afedo afémie cai conima diga cai icíñenafue nana caimo comútate. 16 Afe bie izói, Cristo cruzmo ie tñillado, bie mena nairai dáamacina fñuano, naui íaioi fuirírfirenafuena záitate. Afe llezica, Juzíñamui dibénemo ñue uái íaioi illifue Cristo afémacimo jino denode. Dénuano, íaioína jeire otátate. Afemona comíñimo Juzíñamui caimare eroide.

17 Cristo afe ñue uái cai ille uaina nana comíñimo lluaíbite. Onínemacimo Cristo afe uaina lluaíbite. Omoi afe onínemaci izóidiomoi. Daje izói áinori ite judíuaimo, afe uaina afémie lluaíbite. 18 Iemo Cristo cai jíllotajamona, mei nibai judíuaídicaí, mei nibai judíuaíñnedicaí fadi, nana cai afe daje Ñuera Joreñodo, Moo Juzíñamuimo ánozifiredicaí. 19 Afe jira, Juzíñamui dibénemo ja onínemaciñnediomoi. Daje izói dani íaioi illánomo dúíñnedino izóíñnediomoi. Mei jíáifodo nana Juzíñamuimo jaináidino jainaila izói, uafue íemo jaináidiomoi. Dájena Juzíñamui náiraidiomoi.

20 Nana omoi ebírede niga jíaílliraina dallíraide anáneco izóidiomoi. Cristo oréfiregamaci llófueinafuena iere baitádinona ja jáidiomoi. Ua jíaíllirai jáicina maíri naidánia izói, aféfuemo ja riire jóonegaomoi. Afe bie Cristo orécamaci Juzíñamui uai jino llóraini. Dama Jesucristo afeco nahíllirai izóidimie. 21 Bie Nahílliraimo izóidimiemo nana afeco Juzíñamui nicana uite. Afe izói áfemo nana jofócaiaí ñue jáicina jóonega. Jofócaiaí dallíraidemo dúina izói, daade Jesucrístomo jaináidiomoi. Afeco nilla fuilla mei, jae Juzíñamui ñuera irácona jáidiomoi; ñuera gairíraco izóidiomoi. 22 Daje izói Crístomo dájena omoi jaináinamona, nana jíáie Crístomo ínotinomo dájena jaináidiomoi, daaco náiraina Juzíñamui íena, omoi jáillena. Iemo Juzíñamui Ñuera Joreño ómoimo íllado Juzíñamui ífirenaco izóidiomoi.

Jíllona uai judíñnedinomo lluaíjillena Juzíñamui Páblomo jóonenocaide

3 1 Iemona Juzíñamuimo ómoíri iere cue começi facáfiredicue. Omoína izíruite Páblodicue; Cristo Jesús ñúefue ómoimo cue

lluájilla jira llavécamedicue. Omoi judíoñediomoi, íemo ómoína ñue íllena cue cánuu jira llavécacue. ²Ja nibai Juzíñamui cuemo jónega bie táijjinana fidídiomoi. Jii, Juzíñamui ie cáimaduafuiai ómoimo cuena llotátate. ³Juzíñamui ie nai jino lloñega nanómona mamérrillafue cuena fidítate. Ie mei cuemo lluanu aféfuemo iere baitádimiena Juzíñamui cuena jónete. Afe ie mamérrillafuedo ja nano íanori due ómoimo cueticue. ⁴Aféfuena omoi facáduamona, afe nai jino llóñega Cristo dibene illáfuemo iere cue báitajana ónoitiomoi. ⁵Afe báinino comeci ie fácafue nauí jiáiruillaído bumo Juzíñamui jino lloñede. Mei íadi birui Juzíñamui ie Ñuera Joréñodo, ie eneno nizeca íainide orécamacimo aféfuena jae onótate. Daje izói jiáie ie uai jino llórainimo fidítate. ⁶Afe jaiái jino raire llónegafue bie izói jóide. ¡Cácarei! Jíllona uaina ínuamona, judíoñedino naa judíuairi daje Juzíñamui cai cáimaduafuiai dájena máíñoitiaioi, mei dáamiemo jaináidiaioiza. Ua Crístomo, dáaziena jaináidiaioiza. Daje izói Juzíñamui lloga Cristo Jesús caína ñue finóllifue judíuaimo dúina izói, birui judíoñedinomo ja dúide.

⁷Cue jamáimiedicue, mei íadi Juzíñamui dama ie ríinodo, cue canóllena mamérite. Iemona afe bie ñúefue jiáimacimo llujáillena jónegacue. ⁸Nana Juzíñamuimo jaináidinomona iere erófenemo iticue. Mei íadi Crístomo ite facádonide aillo cáimaduafuiai judíoñedinomo llujáitimiena Juzíñamui mamécacue. Afe bie cue llujáille iere cuemo ráifide. ⁹Juzíñamui jaiái ninómona jino llóñega mamérrillafue nana comínimo jino llóitimiena dama Juzíñamui jónegacue. Afe Juzíñamui nana ráaniai finóraima. ¹⁰Juzíñamui nana bífuiaína daíí íficaitade, nana íemo dájena jaináidinodo, nana monamo ite ríinoredino Juzíñamui iere jamánomo naga ráfuiaína báitajana onóillena. ¹¹Juzíñamui jaiái ninomo uícodo comeci mamérrilla izói, nana bífuiaína cai Ocuíraima Jesucrístodo ñue ícoimo fuitade. ¹²Iemo Crístomo dájena cai jaináinamona Juzíñamuimo ja áinoziredicai, mei cai ínuamona afémiemo meáiruiñedinona itícaiza. ¹³Ie jira izire ómoimo jicádicueza: Birui omoi abiri duere cue zéfuidicueza, mai náinidimaci izói omoi íñeno iri; mei jiáífodo caimare omoi comécioiri; mei afe ómoiri duere cue zéfuia afe ómoimo ebírede nitaina izóidifueza.

Cristo iere jamánomo caína izíruitimiena íemo ínotino onóillena Pablo Juzíñamuimo jicade

¹⁴Ie jira cai Ocuíraima Jesucristo Moo anamo caiñícido ana dújullanona nana ie cominí íena íemo izire jicádicue. ¹⁵Nana éniemo ite ie cominí, naa monamo itínuiai díga, afémiemona comúidiaioi. ¹⁶Cai Moo Juzíñamuimo jamánomo ñuera ríino ite. Afe ie ríinomona, ie Ñuera Joréñodo, iere omoi comeci ñue náireillena izire íemo jicádicue. ¹⁷Afe llezica omoi íinogafuemona Cristo omoi comécimo nabáirifíreillena Juzíñamuimo

jicádícue. Daje izói Juzíñamuina iere omoi izíruillena jicádícue. Iemo afe izíruillafuemo izire omoi jaináillena jicádícue. Nane dáanomo omoi finogafuiai jeire oga uaina ñue omoi ifócimo denóllena Juzíñamuimo jicádícue. ¹⁸Daje izói Cristo caina izíruilla omoi ónoillena jicádícue, naa jíáie íemo jaináidinori. Mei afe ie izíruillafue monáillaji aillona izóideza. Afe monáillaji ruícafene jica íllana bu onóñede. Mei íadi afémie caina izíruillafue iere ruica are illa izóinana omoi onóillena jicádícue. Daje izói áillue imani erai iere fuiri jica illa izói, afe caimo facádonide Cristo caina ie izíruillafue omoi onóillena jicádícue. Afe izói Cristo caina izíruilla iere monáillaji ana jica afórena izoide. ¹⁹Mei jíi, afe bie izíruillafue ñue omoi fidíillena jicádícue. Nana cai onórede aillo ráfuiai baimo, bie izíruillafue jamánomo áillue. Afefue omoi fidínamona, nana Juzíñamuimo ite aillo ñúefuiaina ñue jaícina oruíziitio moi. Mai, daí íteza.

²⁰Ja birui ie aillo ñuera rñino, cai comécimo ífírenamona nana cai começi fácarenafuiai baimo, afémie iere jamánomo ñúefuiai caimo finórede. Daje izói nana cai jicárenafuiai baimo afémie iere finórede. ²¹Ie jira aillo ebíredífuiai afe cai Juzíñamuimo mai cai nitalli, mei Cristo Jesumo dájena jaináitagacaiza. Mai mei Jesucrístodo jaca ninomo naga cómuitigimado aillo ñúefuiaina Juzíñamuimo cai nitalli. Daíftadeza.

Juzíñamui Ñuera Joréñodo dáamacina maméidicai

4 ¹Nana bífuiaimona, omoi jaícina ñúefuedo macállena riire ómoímo llóitícue, mei cai Ocuíraíma Cristo ícoínia llavécamiedicueza. Ua Juzíñamui uáidogamací maca izói, omoi macállena izire ómoímo jicádícue, mei uafue ie uáidogamací itíomoíza. ²Nana omoi, mai jíba abina fínoñedinona omoi iri; daje izói comécina mánaidímacina omoi iri. Dani conímána izíruillano illa dígamie jíáimamo começi járitaño omoi iri. Afe izói conímána omoi dúecaífireiri. ³Afe llezica mai Ñuera Joreño ómoímo comuítaga dájena jaináinafue ñue rairuífireiri. Ua, omoi dáaziena dani conímána comécina jacíruíñenafuedo dáamacina jaináífireiri. ⁴Daa cómemo da abi illa izói, daade abi. Afe abi Cristo ie. Afe daade come abi izóidicai. Afe izói Ñuera Joreño daade. Daje izói Juzíñamui nana caina daa uire ñue finóllífuemo úínotagacai. ⁵Cai Ocuíraíma daade. Daje cai finogafue jeire oticai. Daje izói dáafuemo báutizagacai. ⁶Iemo Juzíñamui daade; afémie nana íemo finotímaci Moo. Afe izói afémie nana cominí Naama. Afémie nana ífícaidífuiai dibénedo ie começi jítaínafue finode; nágaífuiaímo jetáfirede.

⁷Mei íadi Cristo começi jítaína izói, cáímona illa dígamiemo jíáíforiede ñúefue finolle rñinona, Cristo caimo fecade. ⁸Juzíñamui Cuegáuai daí úicodo daide. Be níie:

Caífo monamo jailla llezica aillo nauí llaveca izóidíno afémieoiri uite.

Iemo fia iga jiáimaci cánuafuiaina comínimo fecade, daide.

⁹Afémie caifo jaiilla daina uai jiáifue caina onótate. Afedo nauí uícodo fueñe afémie monámona ana bíllana fidídicaí. Aféruído bie fiénidifuiairede éniemo afémie monámona iere jica ana bite. ¹⁰Afe ana bitímie, abido nana caifo ite monániai caifófenemo jáidimie dáamiede. Dinomo jaide, afénomona nana ie finócanuiaimo illáimaillena. ¹¹Iemo afe bie Cristo illa dígamiena ñue rínoretade jiáíforiede ñúefuiaina finóllena. Dámierie ie orécamacina afémie jóonete. Jiáimacina Juzíñamuimona oga uailai jino llóramana afémie mamede. Iemo jiáimacina cai jíllonafue uaina llotátate. Nai jiáimacimo ie comínina ñue úiñollena ocuide, íaiói llófuellena diga. ¹²Afe daíí cai Ocuíraima nana íeiena ñue fibítate, ie ocuica táijina ñue íaiói jetállena, íemo nana Crístomo jaináidinona móonaitallena; mei afémaci Cristo abi izóidimaciza. ¹³Afemona cai íinogafue dibénemo ñue dájena maméidimacina jáiticaí. Daje izói Juzíñamui Jitona cai onona dibénemo ñue dáamacina fíticaí. Afe daíí ñúefuiaina ñue izire jieruitinona fíticaí. Uafue, nana ñúefuiaina Cristo izire jieruilla izói, afe izói ñúefuiaina rairuñeno iere jieruiticaí. Jieruillamona ñue móonaiticaí. ¹⁴Ja úrue izóidinona íñeíticaí. Mei íadi jífueacadino comue llófueinafue llúamona, úrue izoide nai figo baitañedinona jífueítiaíói. Iaiói comeci ñue fácajana raire jiáífodo méidoítiaíói. Bie jífuetino ebire lloga taino lluáfuedo bie úrue izóidino ínoga ñúefuiaina niné féítatiaíói. ¹⁵Mei íadi conímana izíruillano, íemo uáfuenta cai úrilla llezica, mai Cristo dieze cai móonailí. Crístomo izire jaináillano nana ie comeci itífuiaíí mai jeire cai ófireillí, mei Cristo afe cai jainaina abi ífoci dainámie. ¹⁶Afémie, ífócina íllamona, nana caina caimare ocuíoide; ñue daa cómena caina jaináitate, mei illa dígamie jiáimiemo ñue dúinaza. Nana afe Cristo dáamiena jaináitagamací caimare daní jiáimaciri táijina llezica, caimare itíaíói. Ua Crístomo jainaide, daade abi izóidino naari conímana izíruillafuedo móonaioicaide. Móonailano caimare ite.

Crístomo dájena cai jaináinamona comue illáfuedo macáredicaí

¹⁷Iemona bie ómoína cue daííllifue izói, cai Ocuíraima mámedido ómoímo jóonenocaidicue. Ja biruímona, Juzíñamui onóñegano illa izói, mai omoí íñeno iri. Iaiói taino comeci úrilla uai daina izói ífírediaíói. ¹⁸Iaiói comeci úrilla uai onóñeno jítifomo fiébicaidiaíói. Juzíñamui comuítaga comue illafue afémacimo íñede, mei íaiói comeci ríirenamona ja abína onóñedimacina jáidiaíoiza. ¹⁹Ja íaiói comeci meáfuenta lloñediaíói. Iemo nana íaífuaíí illa dinó, áfemo aillo gáinafuedo iere jeire otíaíói. ²⁰Mei íadi afe daíí, Cristo llófueñegaomoi. ²¹Mei níbai, uáfuenta Cristo illafue omoí cacana mei, íemo ite uafue uai dibénedo afémiedo llófuegaomoi. ²²Ie jira nauí omoí fiénide illafue dibénedo izire ómoína

dáititue: Afe nanómona ómoimo itífuiyai, mai zabide iniroi oni dúiñua izói omoi mefdori. Afe nauti ómoimo itífuiyai jaca ómoína fiendi finode; mei omoi fiénide gáinafuiyai jífuegaomoiza. ²³Mei jiáifodo birui cómuena méidorediomoi; nana omoi comeci óiacanafuiyai méidorede. Nana omoi ifoci úrillafuiyai méidorediomoi. ²⁴Afe llezica comue comeci itífuiyai, comue iniroi jítaja izói, mai jeire omoi óiri. Afe comue itífue Juzíñamui illa izói Juzíñamui comuide. Iemo aféfuena jeire omoi úamona, omoi uáfueña íaidonide ñue illafue otómomi. Daje izói afe omoi comue comécimo itífuiyai omoi úamona, ñue jaícina jóide illáfuedo jáitiomoi.

²⁵Iemona táinofuiyai lloñeno iri. Mai jiáifodo illa dígamie conímamo uáfueña úriri, mei nana cai dáaziena daje abimo jaináidicaiza. Afe abi Cristo ie.

²⁶Omoi icíribicaiaidi, afe icírafue ana fiénidifueño ómoína uitatáñeno iri. Daje izói daarui náaruído are icíriñeno iri. Raíre féitari. ²⁷Due jiza omoi comécina Taife illáimailleño “Jii” daíñeno omoi iri.

²⁸Nauti meríriraima bairódimie diga, mai abido meríriñeno iri. Mei jiáifodo zefuúruíñeno táijizairi. Iemo ñue táijiferenamona o táijina iba óitio; áfedo o jitaile ráaniai fbaitio. O iba mei, ua dúeredimacimo íaioi jitailla raa íaioimo fecáredio.

²⁹Fiénide uáillaído íaire úriñeno iri. Mei jiáifodo ñuera uáillaído úrifireiri. Cacádinona comeci náiretalle uaido omoi úrifireiri, íaioína ñue ézicitalle uai diga. ³⁰Daje izói Juzíñamui Ñuera Joréñona zúuretañeno iri; mei afémie ómoimo íllado, jae Juzíñamui íeiena mamécaomoi. Ua biruímona Juzíñamui illánomo ñue jaícina ómoína jllotalliruimo, afe Ñuera Joréñodo Juzíñamui íena ñue mamécaomoi.

³¹Nana comécimo ite éoinafuiyai oni mai omoi féitari, nana ríifuiyai diga. Daje izói nana icírillamona comuide riire úrillafuiyai lloñeno iri, naa jíaie báíñuafuiyairi. Nana illa diga fiénidifuiyai niné féitari.

³²Iemo jiáifodo, illa dígamie jiáimieño dúecaillano comeci mánaidimieña iri. Cristo íena omoi íllamona, Juzíñamui omoi fiénidifuiyai íbana oñede. Afena féitateza. Afémie féitaja izói, afe izói illa dígamie jíaíma finoca fiénidifueña omoi féitafireiri.

Juzíñamui úruyai izói cai íllena Pablo caimo llote

5 ¹Juzíñamui izíruiga úruyai omoi íllamona, mai afémie illa izói omoi iri. ²Cristo caína izíruilla izói jíáimana omoi izíruifireiri. Mei jii, caína ie izíruillamona Cristo cai jíainona fecácamié. Afémie Juzíñamui íóbitallena titada ía íecaca rille izóidimie. Aferi Juzíñamui íóbide. (Afémie díbenemo afefue ñue ziórede uguci izoide.) Mai afe izói conímama omoi izíruillado Juzíñamuina omoi íóbitari.

³Ja bie omoi Juzíñamuimo jaináidíomoiza, mai ómoimona ninó dáamié áinina llezica jíaie ringona jetáñeno iri. Daje izói nana jíaie íaifuiyai

finóñeno iri. Jaca jiáie cómemo ite ráaniaimo úradoiñeno iri. ⁴Hairede méaifuiaina bumó lloñeno iri. Daje izói táinodo úrillafuiaido úriñeno iri. Iemo jiáimamo fiénide llagüéeroilla uaina oréñeno iri. Mei bie izóidifuiái Juziñamui úruiaimo íeñedeza. Mei jiáifodo Juziñamuina iere figura omoi daiífireri. ⁵Jae cue lloga iima ringomo finoca fiénidifue bie izói jóide. Daa come nai áinina llezica, ringo jetáadi, fiénide. Daje izói ja ringo ua mei, jiáie ringo jetáiadi, figóñede. Iemo íaifue naa úradoillafue diga finóadi, figóñede. (Afe úradoifredimie jamai jánarai íóbitadimie izoide.) Ja onódiomoiza bie izoide fiénidifuiái fñuana fibídimie, Cristo Juziñamui diga illáimana illíruimo jaináinide. ⁶Jiáimana taino uáillaído omoi jífueñeno iri. Mei afe bie fiénidifuiái fñuamona, nana ie uaina cacáacañedinona, Juziñamui iere duere fñoiteza. ⁷Iemona, bie izói ite comini diga omoi nabáiriñeno iri.

⁸Nauí nai omoi íinoñena llezica, jítifomo itíomoi; mei íadi birui cai Ocuíraimamo dájena omoi jaináinamona, ja úzefomo macádiomoi. Iemona ñue uáfodo macádino izói mai omoi ífireiri. ⁹Cai Ocuíraima Jesucristo egáíñote raa izoide. Iemona cai comécina ñúeitáte. Iemo ua uaido caina úritate. Daje izói cai jafcina ñue illifue comúfate. ¹⁰Cai Ocuíraima ñue íóbitallifueña, mai iere omoi onóoicairi. ¹¹Báinino macádino finoca táinofue dibénemo iñeno omoi iri. Mei jiáifodo afe báinino íaíoi finócafueña uáfomo omoi cótari. ¹²(Mei íadi afémaci báinino finócafuiái izói cai úriadi, caina meáiruitaite. Ie jira benomo rabedo jino ómoímo llóñeitíue.) ¹³Mei íadi nana íaíoi illafue jino uáfodo cótamona, afe fiénidifuiái iere íáirenana nana comini ónoítiaíoi, mei Cristo egáíñua úzefo, nana comínimo ua comécimo itífuiaina jino cótate. ¹⁴Ie jira bie izói daina:

Ínídioza, mai cazí.

Tíidinomona mai náidacairi.

Iemona Cristo ie úzefomo ñue mácaítimiena ona jáitaite, daide.

¹⁵Mei íemona, nágarui omoi illáfuemo izire comeci omoi facáoiri. Naga fiénidifuiáiimona abi omoi rairuiri. Abina onóñedino izói omoi iñeno iri, mei jiáifodo ñúefueña baitádinona omoi iri. ¹⁶Biruido aillo fiénidifue íteza, o illafue táinomo fáifitañeno iri; ñúefuiái omoi finófireiri. ¹⁷Táinodo úritino izói iñeno iri. Cai Ocuíraima comeci jítainafueña ñue omoi baitáoicairi. ¹⁸Jifáíñeno iri. Mei, afe jifáillafue come comécina aillo íaífuemo ana uitátate. Mei jiáifodo Ñuera Joreño abí omoi úicaitari. ¹⁹Illa dígamie jiáimamo Juziñamui uáillaído caimare omoi úriri, naa Juziñamui rúairi. Daje izói Juziñamui Ñuera Joreño lloga rúaníai omoi roíri. Daií omoi rúado cai Ocuíraimana iere íóbitaitiomoiza. ²⁰Illa dígaruillaí cai Ocuíraima Jesucristo mámecido Moo Juziñamuina naga ráaniaíri figura omoi daiífireri.

Crístomo ínotinona cai íllamona Pablo cai jofó eromo cai illafue llote

²¹Illa dígamie jiáíma anamo caimare omoi iri, mei Juziñamui daií cai ocuúdeza.

²² Cai Ocuíraima anamo cai itábicailla izói, naga ringo ie ini anamo itábicairede. ²³ Mei naga ringo ie ini ocuífirega, íemo jíái ie ini ñue úiñogaza. Afe izói nana Crístomo ínotino, Cristo ocuícaciaioi; daje izói Cristo ñue úiñogaciaioi. Afémie afémaci illaíma. Daje izói afémie íaioi Jíllotaitimie. Afémiemo ínotino íemo dájena jaináinamona, ja ie izóidiaioi; ja dáamiede abi izóidiaioi. ²⁴ Iemona Crístomo dájena jaináidinona afémie anamo illa izói, naga ínrede ringo ie ini anamo írede.

²⁵ Cristo íemo jaináidinona izíruilla izói, mai naga íima ie aina izíruiiri. Crístomo jaináidinomo Cristo ie abina fecade. ²⁶ Afémie daíí ie abi fecade ñue íeiena íaioi íllena. Daje llezica afémie íaioimo ite íaífuiaí jáiñoimo jococa muilla izói, ie uaido íaioina muíñode. ²⁷ Cristo daíí caina muíñode ñuera nífuenidinona ie uíecomo cai cíocaizaillena. Uafue, nana mallizai izói abimo comuídena duano ebire eroide, lliríñede abi ígoína caina finode. Jaca due jiza fiénidífueña fiéñede. Nana íaioína íeiena íere ñue finode. ²⁸ Afe izói naga íima dama ie abina izíruiilla izói, ie aina izíruiirede. Ie aina izíruiitimie dama ie abina izíruiite. ²⁹ Bu jaca dama ie abina éoiñede. Mei jíáífodo cai abina ñue ecádicai, ñue úiñoticaí. Afe izói Cristo íemo dájena jaináidinona ñue rairuide. ³⁰ Mei afémaci dama íeieza; ja daa ie abi izóidiaioi. Cai bie afe abimo jaináidicai. ³¹ Bífuiamona Juzíñamui daína izói, dámie ie moo, ie ei díga, fáicanocaillano, ie ai díga dájemo jaináicaite. Jáinaicaillano, daade come abi izói itíaiíllinoi. ³² Bie daade come abi izói íficaillafue, jaiáimona áillue báiñide rafue. Mei íadi afefue Crístomo dúide; daje izói íemo dájena jaináidinomo dúite, daidicue. ³³ Mei íadi daje llezica ómoimona illa dígamie omoi abina izíruiilla izói omoi aina izíruiiri, daííacadicue. Iemo naga ínrede ringo ie ínina ñue jacíruiredeza, daidicue.

6 ¹ Uruiaí, omoi cacai. Crístomo ínotinodiomoiza, o moo uai jeire omoi olle íere jítaírede, mei afe bifue Juzíñamuimo jaícina jóideza. ² Bie lletara uai llua mei, Juzíñamui dáanomo ñue cai illífue llote. Daíí nana ie lletara uáimona dama búaido Juzíñamui cai ñue illífue llote. Afe llétaja uai bie izói daíde: “O moo, o ei díga, ñue jacíruiiri, ³ áfedo caimare o íllena, daje izói bie éniemo are o íllena.”

⁴ Ja úruiairedino, mai omoi cácarei. O úruiaína comécina rícaitañeno iri. Mei jíáífodo riire llétaja uaido ñue íaioína llófuefíreiri. Daíí íaioína ñue omoi móonaitari, cai Ocuíraima Jesumo ñue íaioi ínollena.

⁵ Ocuífirigano, mai omoi cacai. Biniemo ite omoi ocuídímie dáinana ñue jeire omoi oíri. Cristo ocuíllamo o tájíjna izói o tájíjitatímiemo ráairuiñeno ñue tájíjiri. Afémie ocuíllana ñue jacíruiiri. O tájíjitatímie uaina níbéfodo oñeno iri. ⁶ O ocuídímie eroille llezica ñue tájíjiri, daje izói afémie íñena llezica náamonaze ñue tájíjiri. Dama ocuídímie eroille llezica, íocire tájíjidimiena íñeno iri. Afe izoide tájíjde come jamai

come ióbitade. Afe izói ñeno jiáifodo omoi iri. Cristo táijitagano izói, Juzíñamui comeci jitáinafuenta izire omoi finori, afémie omoi ióbitallena. ⁷Comeci ñue jitaina izói caimare omoi táijiri. Jamai come íena táijíñeno, cai monamo ite Ocuíraima íena ñue omoi táijiri. ⁸Mei ja onódiomoiza, illa dígamie ie ñue táijifirenado cai monamo ite Ocuíraimamona ñúfuenta jirídoite. Rairuícamie, ráiruíñegamie díga dájerize nano íaioi táijinaze jirídoite.

⁹Ocuífredino, mai daje izói omoi táijitaganomo ñue dúecaifireiri. Afémacina fiéni omoi jácidoñeno iri. Daade cai Ocuíraima anamo nana dájena itícaiza, omoi úbicairi. O táijitagano monamo ite Ocuíraima anamo illa izói, o jiái daje Ocuíraima anamo itio. Afémie da cómena eneno maméñe deza. Illa dígamie dájerize mamede. Aféfuemo omoi úbicafireiri.

Jesumo ínotino comeci náireitalle abi ríidua uai Pablo llote

¹⁰Mei ámatiai, cai Ocuíraima Crístomo ite rínodo benómona mai riire omoi iri. Cai Ocuíraima Jesumo omoi jaináinamona riire abí omoi mameri. Mei, afémie jamánomo ríiredeza. ¹¹Juzíñamui lloga abí ríidua uai, ñue jeire omoi oíri, naa ie ñuera ézicigafuiairi. Mei jii, dáarie comíni abí rídollena ñue fuiríllena llojécuroi jitádiaioi. Afe íaioi jita izói, nana Juzíñamui cai ríidua uai, mai jeire omoi oíri. Afe uaido Taiífe jífuia uaina uáitarediomoi. ¹²Jamai abina mairide come díga fuiríñedicaí. Mei jiáifodo fiénide jóríai díga fuirídicaí. Afémaci caífo cai acónimo táifodo macádiaioi. Afe cai díga fuirífirede jóríai nana bíníemo ite jítifodo jaide fiénidímacina fiéni ocuíoide. Bíníe comínina “Cáiediomoí” daífoicaidiaioi, mei “Omoi náamadicaí” daífirediaioi. ¹³Ie jira Juzíñamui lloga abí ríidua uáillaido abí omoi rairuiri. Afe bie uaido jobáirillaruiño ñue abina rídóitiomoi. Daí abina rídótiomoiza are ñue ríinoredinona ítiomoi. ¹⁴Ie jira riire omoi iri. Fuiríraima círaigi ífe riire tírnua izói jizíñeno ñue ie fuiríllena, afe izói Juzíñamui lloga ua rafue jeire omoi oíri. Daje izói ñue jaícina omoi íllado nágarui ñue abí omoi rídofireiri. Afe bie omoi jaícina illafue, fuiríraima jogobe rídollena jíta llojeco izoide. ¹⁵Afe fuiríraima fuirízailla llezica ie ídai íco riire maíga izói, áfedo riire ie naídáillena, afe izói Juzíñamui comécina jacíruiñeno uai jeire omoi oíri. Afedo abina riire mámano, fiénidífuenta ómoína anáfenóñe deza. ¹⁶Iemo illa dígaruillaído Juzíñamuimo omoi ínogafuenta féitañeno iri, mei áfedo Taiífe caímo mameca fiénidífuiaina oni caítarediomoi. Omoi ínogafue jae fuiríraima abí rídollena úifirega llojeco finoina escudo izoide. ¹⁷Iemo Juzíñamui lloga jíllona uai jeire omoi oíri, mei aféuai, ífo rídollena jítaíferega ífo íco llojeco izoide. Iemo nana Juzíñamui uáillaina mai jeire omoi oíri, mei afe Juzíñamui uai, Ñuera Joreño ómoímo fecaca fuirira llojébici izóideza.

¹⁸Nana bie cue ocuícafuiai, mai Juzíñamuimo jícano finori. Jaca Ñuera Joreñodo izire Juzíñamuimo omoi jícafíreiri. Bie izói omoi íllena, nana bífuiaína fáicanocaiñeno ñue abí omoi rairuíoicairi. Daje llezica nana Juzíñamuimo jaináidinomo Juzíñamuimo omoi jícafíreiri. ¹⁹Daje izói jíái cuemo jícafíreiri; náiraímo cue úria, Juzíñamui cue uai nabáilleza. Iemo jacíruiñeno íocire íaíoímo cue úrillena, Juzíñamuimo omoi jícarí, nauí báinino lloga jíllona uai jino comínimo cue fidtallena. ²⁰Bie ñuera uaido comínimo úrillena Juzíñamui orécamedícue. Afe uai ícoínia, ja birui llavécamedícue. Iemo, bífuedo ñuera lluájítimie izói jacíruiñeno naire cue úrillena, mai Juzíñamuimo omoi jícarí.

Iiraicaiño uáidua uailai

²¹Cai izíruiiga ama Tíquico, cai Ocuíraíma Jesumo táijinana fáicanocaiñeno canófredímie. Afémie nana cuemo itfuiaina ómoímo jino llóite, naa jíáie cue finócafuiái diga. ²²Jira, bímie ómoímo orédícue, cue illafue ómoímo jino llóllena. Iemo jíái áfedo omoi náireficaillena, íena ómoímo orédícue.

²³Moo Juzíñamui, cai Ocuíraíma Jesucristo diga, cai ámatiaímo ñue comeci uái illífue ómoína ñue onótaíteza. Daje izói Juzíñamuína ñue omoi izíruiillena jícadícue. Ie jira Juzíñamui omoi ínogafuena aillo móonaitaíteza daidícue, afe bífuiaí omoi maiñóllena. ²⁴Nana cai Ocuíraíma Jesucrístoná féitañeno izíruiñona, Juzíñamui ñue íaíoína éziciíteza. Mai; jae níie. Daí íteza.